

مِقَصِّدِك
علم حال

معارف نظارت جلیله سی مکاتب اعدادیه مدیری
مصطفی بک معرفتیه ترتیب ایدلمشدر

ابتدائیہ مکتب لیک دردیجی سنه سی شاگردانه
اوقوتدیریه جقدر

Türklye Diyanet Vakfı İslâm Araştırmaları Merkezi Kütüphanesi	
Dem. No:	77631
Tas. No:	297,541 M.115.M

مهرسز اولان نسخه لر ساخته در

طبع رابع

درسعادت

۱۳۱۴

مکاتب ابتدائیه ده اوقونان علم حالرش آلتی نوع
اولوب اکثریسنک عبارلری بر برینه اویمادینی کبی
مسائل اساسیه جه کیمیسنده آسکاک و بعضیسنده دخی
پک چوق یا کاشاق کورلمشدر.

هله تقدیم اولنه جق مسائل تأخیر و تأخیر اولنه جقاری
تقدیم اولنق کبی ترتیجه اولان اطرادسزلق جهتیه اشبو
مختلف نسخه لردن بشقه بشقه مکتبلرده اوقویان چوققلر
آشداقلری عباره و ترتیک غیریه بالطبع القلری اولمدیغندن
بر برلینه قارشی کویا اوقومامش کبی کورینه یورلردی.
حق تعالی عمر و شوکت شاهانه لرینی مرزاد بیورسون
پادشاه دیانتناه و شهنشاه مراحم اکتناه ولی نعمت
بی متمز السلطان ابن السلطان ابن السلطان
«الغازی عبدلحمید خان ثانی» افندضر حضرتلرینک
عهد هایون ملوکانه لرینه عائد نیجه نیجه موققیات
عظیمیه به برضیمیه متیننه اولق اوزره ممالک محروسه
شاهانه لرینک بالجمله مکاتب ابتدائیه وصیاییه سنده
اطفال مسلمینه مبادی علوم دینییه سهل العبارة برطرزده

تعالیم و تفهیم ایدلمک و درجه درجه صنفلری ترقی
ایتدجکه مسائل مقتضیه دخی توضیح و توسیع صورتیه
اوقوتدیرلق و حق هایون ملوکانه ده بو وسیله ایله دخی
مادی و معنوی اجرودعا استجلاب اولنق مقصدیه
بری «تلخیص الملخص» دیگر «ملخص» و اوچنجیسی
«مفصل» ناملریله معنون اوله رق اوچ نسخه اوزرینه بر
علم حال ترتیبی حالا معارف عمومیه ناظری (دولتوالسید
احمد زهدی پاشا یسر الله ما یرید و ما یشاء) حضر تلری
جانب عالی لردن عموم مکاتب اعدادیه مدیری «مصطفی بن
حافظ حسین خسرو بن مصطفی بن عثمان بن محمد بن ابراهیم
الشهیر بمنلازاده رادوشی» فقیره امر و سپارش بیورلمسیله
تعریف و ارشاد سامیلری و جهله جمع و ترتیب اولندقدن
صکره «مشار الیه حضر تلری فحول علمادن بعض ذواتک
نظر تدقیق و تصحیحندن کچوریلان اشبو مفصل علم حالدن
مکاتبک ایکنجی و اوچنجی سنه لری شاگردانه مخصوص
دیگر ایکینسی دخی تلخیص و اشبو مفصلاک قرأتی
دردنجی سنه به تخصیص ایدلمشدر و بالله التوفیق.

باری تعالیٰ حضرت تبارینک صفات ثبوتیه سی سکزدرد بونلره
 صفات ذاتیه حقیقیه و صفات معانی دخی دینور . برنجیسی
 حیوة یعنی دیری اولوق، ایکنجیسی علم یعنی بیلمه سی اولوق،
 اوچجیسی سمع یعنی ایشتمه سی اولوق، دردجیسی بصر یعنی
 کورمه سی اولوق بشنجیسی اراده یعنی دیله مه سی اولوق آلتنجیسی
 قدرت یعنی کوچی یمه سی اولوق، یدنجیسی کلام یعنی سویله مه سی
 اولوق، سکزنجیسی تکوین یعنی جمیع اشیا یی یوقدن وارایتمکدر،
 خلق، انشاء ابداع احیا، امانه، ترزیق یعنی یراتاق، یوقدن وار
 ایلک، دیرلتمک اولدیرمک، رزق و یرمک کئی صفات فعلیه نیک
 جمله سی تکوین صفتنه راجعدر ودخی ممکناندن کرک خیر و کرک
 شر دیله دیکنی خلق ایتمک صفات حائزه دندر.

بونلردن بشقه بعضیاری صفات معانی نیک لوازمی اولان
 سکزر صفت دهها حال قیلندن یعنی موجود ایله معدوم
 بیننده واسطه اوله رق ثبات ایدوب آنلره صفات مغنویه و لازمه
 دیدیلرکه آنلرده حی اولوق، علیم اولوق سمیع اولوق بصیر اولوق
 مرید اولوق قادر اولوق متکلم اولوق مکنون اولوقدر. لکن اکثر
 علما بونلر صفات معانی نیک ذات باری تعالیٰ ایله قیامندن عبارت
 صفات اعتباریه اولدیفندن بونلری آیروجه ذکر ایتیموب صفات
 مذکوره نیک ذات تعالیٰ ایله قیامنک وجوبی بیان مقامنده
 صفات مذکورهدن مأخوذ اولان حی علیم سمیع بصیر مرید
 قادر متکلم مکنون اسماء شریفه لرینی ذکر ایله اکتفا ایتدیلر .
 ایشته ذکر اولنان یکریمی ایکی صفت صفات واجبه دن
 اولوب بونلرک اضدادی نقائص اولمغه حق تعالیٰ حضرت تباری

بسم الله الرحمن الرحيم

الحمد لله رب العالمين والصلوة والسلام على سيدنا ونبينا محمد
 وآله وصحبه اجمعين.

معلوم اوله که هر مسلم و مسلمه ایچون علم حالی اوکرنک فرض عیندر.
 علم حال هر مسلم و مسلمه ایچون اعتقاد و عمله دایر اوکرنمه سی
 لازم اولان مسائلی بیلمک دیمکدر.

علمک افضلی علم حال، عملک افضلی حفظ حالدر .
 حفظ حال دیمک مؤمنلره کوره اوقاتی عبث و بیهوده یره
 خرج و صرف ایتیموب باری تعالیٰ حضرت تبارینک رضای شریفی
 اغورینه بذل ایلیمکدر.

ایمدی الله تعالیٰ حضرت تباری واردر کندی وارلقی و کمال
 قدرتی بیلدیرمک حکمتنه مبنی بو طالی یوقدن وار ایلدی .

الله تعالیٰ از لیدر یعنی مسبوق بالعدم دکلدرد، ابدیدر یعنی
 وارلقنک حدوغاتی یوقدر نقصان صفتلردن منزله کمال صفتیه متصفدر.

صفات الهیه

الله تعالیٰ نیک صفات ذاتیه اعتباریه سی التیدر برنجیسی وجود
 یعنی وار اولوق که بوکا صفات ثبوتیه نفسیه دینور. ایکنجیسی
 قدم یعنی اولی اولماق. اوچجیسی بقا یعنی آخری اولماق
 دردنجیسی وحدانیت یعنی بر اولوق و ذاتنده صفاتنده و افعالنده
 شریکی و نظیری اولماق. بشنجیسی مخالفة للحوادث یعنی اشیا
 و ماسوادن هیچ بر شیشه بکزمه مک. آلتنجیسی قیام بنفسه یعنی
 مکانه محتاج اولماقدر. اشبو بئنه دخی صفات سلویه دینلور.

حَقْنده عَمال اولان صفتلردندر.
 بوصفات جليله بزم يعنى قوللرك قولاقله وكوزله كوروب
 ايشتمسى وديل ايله سويله ميسى واوكر نرك بيله سى كى دكلدر.
 حق تعالى بى آنحق بوصفات جليله ايله بيلمك لازمدر.
 يوقسه كنه ذاتى بيلنمز وآندن بحث دخى جائز اولماز.
 حق جل وعلا حضرتلر بلك اسم پاكى آنلقدده جل جلاله
 ديمك واجبدر.

بوصفات كاليه ايله متصف اولان الله تعالى حضرتلرى آدم
 عليه السلامى طو پراقدن ياراتدى وچتندن چيدقندن صكره ريوزنده
 اولادى چوخالتمدى. انسانلرك دنياجه و آخرتجه محتاج اولدقلىرى
 شيلرى بيلديرمك ايچون ايچلرندن بعضيلرينه پيغمبرلك وردى.
 الله تعالى احكام شرعيه سنى جبرائيل عليه السلام واسطه سيله
 پيغمبرلرينه وآنلرده امتلرينه تبليغ بيوردى يعنى بيلديردى.
 پيغمبرلرك اولى آدم عليه السلام و آخرى بزم پيغمبر من محمد
 مصطفى صلى الله تعالى عليه وسلمدر. ايكي سنىك آره سنده كلوب
 كچن پيغمبرلرك همدىنى آنحق الله تعالى حضرتلرى بيلور. فقط
 قرآن كريمده اسم شريفلىرى بيلديريلان يكرمى سكر پيغمبر
 ذيشانندن يكرمى بشنك نبوتلر نده اتفاق اولمشدر كه آنلرده شونلردر.
 آدم ادريس نوح هود صالح ابراهيم اسماعيل لوط
 اسحق يعقوب يوسف ايوب شعيب موسى هرون داوود
 سليمان ذالكفل الياس اليسع يونس ذكريا يحيى عيسى محمد
 عليهم الصلوة والسلامدر.

عزير، لقمان، ذوالقرنين حضرتانى حَقْنده اختلاف اولمشدر

بعض علمانى و بعضيلرى وليدر ديديلر. پيغمبرلرك اسم شريفلىرى
 آنلقدده ويازلقدده عليه الصلوة والسلام ديمك ويازمق واجبدر.
 جمله پيغمبرلرك آخرى وافضلى بزم پيغمبر من محمد مصطفى
 صلى الله تعالى عليه وسلمدر كه كتابلرك آخرت اولان قرآن كريم
 آكا نازل اولمشدر. خاتم الانبيا اولغله آنندن صكره قيامته قدر
 پيغمبرلر كليجكلدر.

ايمان واسلام

پيغمبر افندمرك بارى تعالى حضرتلر بلك جانب جليلندن
 كتوردىكى يعنى بزه خبر وبردىكى شيلرى بيلوب اينانغه ايمان
 واسلام دينور كه ديل ايله اقرار وقلب ايله تصديق ايتمكلدر.
 تصديقه يعنى اينانغه متعلق اولان شيلره دين وملت اعماله
 يعنى ايشله مكه دار اولان احكامه شريعت دينور.

ايمان

ايمان ايدلسى فرض اولان شيلر آلتيدر بونلره صفت ايمان وشرط
 واصل توحيد و مؤمن به دخى ديرلر.
 ايمانك ركنى ايكيدير برى اقرار، ديكرى تصديقدر ومطلق
 ايمان ايكي قسم اولوب برينه ايمان اجمالى وبرينه ايمان تفصيلى دينور.
 ايمان اجمالى كئتين شهادتينى تلفظ ومعناسنى قلب ايله تصديق
 واعتقاد ايتكله حاصل اولور لكن بوايمان اجمالى دار حربده
 بولنوب سؤال ايده جك كيمسه بولمدينى وياخود غير مسلم ايكن
 ايمانه كلديكى حالده بونلر ايچون كافي ايسه ده دار اسلامده بولنان
 كيمسه لره كفايت ايلوب بلكه آنلره ايمان ايتك لازمدر.

ایمان تفصیلی

آمنت بالله وملائكته وكتبه ورسله واليوم الآخر وبالقدر
خيره وشره من الله تعالى داخلنده بيان اولنان شيلره برتفصيل
ایمان ایتمکله اولور.

بونک معناسی الله تعالی حضرتلرینه وملكارینه وکتابلرینه
ویغمبرلرینه و آخرت کونه واحوال آخرته وخیر وشر الله تعالینک
قضا و قدریله اولدیغنه ایناندم ایمان کتورددم دیمکدر.

الله تعالی حضرتلرینه اینانمق یوقاریده بیان ایلدیکمز صفات
کالیله ایله متصف ونقصان صفتلردن منزله اولدیغنی بیلمکدر.

ملائکه

الله تعالینک مخلوقیدرلر واجسام لطیفه نورانیه اولوب بزه
کورنمز لر آنلرده ارککلک و دیشیلک یوقدر بیوب ایچمز لر
وکنانه ایتمز لر حق تعالینک امر شریفی نه ایسه دائماً آنی برینه
کتور لر ملائکهک ک عددی آتیق الله تعالی بیلور ایچلرنده
مقربلری ویغمبرلری واردر جمله سنک افضل جبرائیل میکائیل
اسرافیل عزرائیل علیهم السلامدر.

کتابلر

الله تعالینک پیغمبرلرینه کوندردیکی کتابلر یوز درتدر
وجهل سی حقدر یوزی صحف شریفه ودردی بیوک کتابلر
صحف شریفه دن اون صحف آدم علیه السلامه الی صحف شیت
علیه السلامه اوتوز صحف ادريس علیه السلامه اون صحف
ابراهيم علیه السلامه نازل اولمشدر درت بیوک کتابلر تورات

موسی علیه السلامه زبور داود علیه السلامه انجیل عیسی
علیه السلامه قرآن مبین پیغمبر من محمد مصطفی صلی الله تعالی
علیه وسلم افندمزه کلشدر و حکمی قیامته قدر باقیدر .

بو کتابلرک جمله سنی طرف باریدن جبرائیل علیه السلام
کتوردی فقط پیغمبرمزه نازل اولان قرآن کریم اوتوکی کتابلرک
احکامنی فسخ ایتمشدر .

جمیع پیغمبرلر حقنده ییلغنی واجب اولان صفتلر بشدر
اولکیسی صدقدر یعنی سوزلرنده صادق و کرچک اولمق
ایکنجیسی امانتدر یعنی هر شیده امین اولمق اوچنجیسی تبلیغدر
یعنی حق تعالیدن کندیلرینه وحی اولنان جمله احکامی امتلرینه
بیان ایدوب اولاشدرمق دردنجیسی فطانتدر یعنی جمله پیغمبرلر
عقل کامل و ذکاوت فوق العاده صاحبی اولمق بشنجیسی عصمتدر
یعنی جمله پیغمبرلر کرک عهداً و کرک سهواً کباردن و عهداً صغائر دن
و موجب شین اولان شیلردن بری اولمقدر بو صفتلرک اضدادی
یعنی کذب خیانت کتمان حماقت عصیان کافه پیغمبرلر
حقنده محال اولان صفتلردن و بزم پیغمبر منک خصائص
کثیره سی جمله سندن هر کسک ییلغنی لازم کلان اوچ صفت
خاصه سی دهها واردر اولکیسی جمله پیغمبرلردن افضلدر
ایکنجیسی انس وجنه کوندرلشدر اوچنجیسی خاتم الانبیادر
یعنی آندن صکره قیامته دکن پیغمبر کلیه جکدر .

ایشته بو ذکر اولنان شیلره و قیامت کونه وخیر وشر
وفائده و ضرر حق تعالینک قضا و قدریله اولدیغنه قلب ایله
اینانمق و دلیل ایله اقرار ایتمک لازمدر .

اسلام

اسلامك كمالك بناسى بشدر برنجيسى كلة شهادتدرکه
 اشهد ان لا اله الا الله واشهد ان محمداً عبده ورسوله ديمکدر .
 ايکنجيسى صلوة يعنى بش وقتده نماز قيلقدر .
 او چنجيسى صوم يعنى رمضان اوروجنى طومتقدر .
 دردنجيسى زکوة يعنى ييلده برکه مالک قرقدہ برى
 آيروب و نيت ايروب فقرايه ويرمکدر .
 بشنجيسى قدرقى اولان عمرنده برکه حج ايمکدر .

افعال مکلفين

قيز اولسون ارکک اولسون بر چوجق بيويوب عاقل
 و بالغ اولدقدہ احکام شرعيه نك اجر اسيله مکلف اولورکه آنلرک
 ايشليه جکلرى شيلزه افعال مکلفين دينور اوده سکزددر .

- برنجيسى فرض
- ايکنجيسى واجب
- او چنجيسى سنت
- دردنجيسى مستحب
- بشنجيسى مباح
- التنجيسى حرام
- يدنجيسى مکروه
- سکزنجيسى مفسددر

فرض دليل قطعى ايله ثابت اولان شيلردر نماز قيلقى
 اوروج طومتقى زکوة ويرمک حج ايمک کي .

فرض ايکي نوعدر برى فرض عيندرکه هره مؤمن ومومنه
 مکلف آنى مطلقاً وبالنفس ايشلکه مأمورددر ايشلکه ساقط
 اولماز نماز اوروج کي .

واجب

ديکرى فرض کفايه در فرض کفايه ديمک مؤمنلرک برطاقى
 آنى ايشلکه اوته کيلردن ساقط اولان فرضدر جهاد ايمک جنازه
 نمازى قيلقى حافظ قرآن اولقى کي که بر مملکتده بر جنازه وقوعنده
 آنک نمازى قيلقى جمله مؤمنلر اوزرينه فرض ايسده جمله سى
 بولنه ميويده بر قاجى حاضر اوله رقى ادا ايشلر اوته کي مؤمنلردن
 ساقط اولور . حافظ قرآن اولقى دخى بوبله در فرضه اينانيمان
 نعوذ بالله کافر اولور و اينانوبده ايشله ميان جهنم عذابنه لايق اولور .
 دليل ظنى ايله ثابت اولان شيدر صلوة وتر و صدقه فطر
 کي . واجبه اينانيمان کافر اولمزشده ايشليوب ترک ايدن جهنم
 عذابنه لايق اولور .

سنت

سنت اولدرکه تارکنى زجر ايمه رىك پيغمبر من عليه الصلوة
 والسلام افندمن آنى دوام اوزره ايشله مش اوله اذان واقامت
 و جهاتله نماز قيلقى؛ چوجقلر ختان اولقى؛ مسواک قوللاغقى
 و نمازک سننن روايتى کي که بوکا سنت هدى و مؤکده دينلور
 بو سنتى ترک ايدن عذابه لايق اولمزشده عتابه مستحق و رسول الله
 افندمنک شفاعتدن محروم اولور برده سننن زواند غير مؤکده
 وارددرکه رسول الله افندمنن اکثر اوقانده ايشليوب احياناً ترک

ایشش اوله پیغمبر من افندم نك قیام و قعودنده کی عادت سنیه لریله
تطویل قرائت و رکوع و سجود و سایر عباداته متعاقب افعال
شریفه سی کی که بونی ترك ایدن اولکی قسدر عتابه مستحق
اولیوب ایشلیان شفاعته لایق اولور .

مستحب

پیغمبر من افندم نك بعضاً ایشلک لری و امتنی ایفاسنه ترغیب
بیوردقلری شیدر صدقه و یرمک و مبارک کونلرده اوروج طوتمق
کی که ایشلیان ثواب قزانور ترك ایدن معاتب اولماز .

مباح

ایشله مسنده و ترکنده ثواب و عذاب و عتاب اولمیان افعالدر
اوتورمق، قالمق، یمک ایچمک، اویومق، مثللو .

حرام

دلیل قطعی ایله ایشله سی ممنوع اولان شیدر بوده شراب
ایچمک، سرقت ایتمک، انایه بابایه ماصی اولمق، زنا و لواطه ایتمک
قومار اوینامق کی فعللدر، حرامی ایشلیان جهنم عذابنه لایق
و حرامی حلال اعتقاد ایدن نعوذبالله کافر اولور .

مکروه

ایکی درلودر بری کراحت تحریمیه ایله مکروهدر که ایشلیان
عذابه لایق اولمز سهده عتابه و شفاعتدن حرمانه مستحق اولور
سنن هدی وهؤ کده لرك ترکی کی . امام محمد کوره تحریماً
مکروه حرام ظنی حکمنده اولوب فاعلی واجبی ترك ایشش کی

عذابه مستحق اولور و کتب فقهیده واجبی ترك تحریماً مکروهدر
دیو تصریح لری بوکا مبنیدر .

بریده کراحت تنزیهه در ایشله مسنده عذاب و اولکی قدر
عتاب یوقسدر سنن زوائد و غیر مؤ کده لرك ترکی و اکل فاره
عقینده اولیه رق کدینک آرتنی و آبدسته اعضالرك اوزرینه
صوبی پک اورمق کی که بوکا خلاف اولی و لابس تعبیر اولنور .
هر زرده مکروه مطلق اوله رق ذکر اولنسه تحریمی
مراددر .

مفسد

آبدستی و نمازی و اوروجی و سایر اعمالی بوزان شیلدر
بونلرده آبدستلی ایکن بریرندن قان ویا ایرین آقق و آرقه دن
یل چیقمق، نمازده دنیا کلامی سوینک اوروجلی ایکن طعام
ایتمک و صو ایچمک کی حالدردر .

ادله شرعیه

درتدر برنجیسی کتاب یعنی قرآن کریم، ایکنجیسی سنت
یعنی پیغمبر من افندم نك قوی که بوکا حدیث دینور و فعلی
و تقریری یعنی حضور سعادتلرنده اصحاب کرامندن صادر اولان
و نهی بیورلیوب سکوت بیوردقلری فعل حسن، او جنجیسی
اجماع امت یعنی امت محمد علیه السلاة والسلامدن بر عصرده
بولنان مجتهدلرك بر حکم شرعی اوزرینه اتفاقلریدر .

درنجیسی قیام فقهه در یعنی بر مجتهدک بر حکم غیر منصوصی
دیگر حکم شرعی منصوصه تطبیق ایتمسیدر .

مذهب

اعتقادده مذهبن اهل سنت والجماعة مذهبيدر يعنى سنت سنه نبويه، موافق واصحاب كرام رضى الله عنهم حضراتك طريقتلرينه مطابق اعتقاد اوزره بولنان شيخ ابوالحسن الاشعري وامام الهدى ابومنصور الماتريدى حضراتك مذهبي ديمكدر.

همده مذهب امام اعظم ابوحنيفه رحمه الله عليه حضرتلرينك مذهبيدر كه عبادته و معامله ده امام اعظمك كتاب اللمدن واحاديث شريفه بيغمبريدن بالاجتهاد اكلايوب بيان ايتديكي احكامي قبول ايتك و آني امام ايدنمكدر .

نمازك فرضلري

اون ايكيدير ييدي طيشنده يعنى نمازه طورمازدن اولدر كه آكا شرط دينور .

برنجيمي حدندن طهارتدر يعنى غسل لازم ايسه غسل ايتك ابدستى بوغيسه ابدست اتق صوبولغا ايسه ايكيسنده تيم ايتكدر، ايكيجهيمي نجاستدن طهارتدر كه بدتى و لباسنى و نماز قيله جنى برى يعنى قيام و قعود و سجودده اعضاسنك طوقه جنى محاررى نجاستدن ياك ايتكدر. نجاست خفيفه و غليظه اوله رق ايكي قسمدر . خفيفه قسمى اتى ينلان حيوانلرك و فرسك و قوشلردن نجاستنى هراده القا ايتلرك و كوكرچين و سرچه كي قوشلرك نجاستيدر و بونلرك بدن و لباسه اصابت ايدنلري جميع بدن و يالباسك ربغندن اقل اولورسه معفودر . نجاست غليظه دخی انسانك سبيليندن چيقان بول و سائر نجاست ايله

صول الى اوزرينه قور. اونجهي رجال يالكر يالكر نماز قيلار ايكن صلوة جهريده جهر ايله او قومق افضلدر . نسا اخفا ايله او قور. زبراهن خالده عذر سر رفع صوت آلهه جائز دكلدر اون برنجي رجال ركوعده اللريني ديز قياقلرينه قوياوب برمقلاينى اجوب ديزلرينى طومتق سنندر. نسا برمقلاينى آچيوب برمقدار يوقاروجه قور. اون ايكيجهي رجال ركوعده ديزلرينى طوغرى و سكيكلى دوزلتمك سنندر نسا براز اكريجه ايدر. اون اوچجهي رجال ركوعده آرقه سنى دوز ايتك سنندر. نسا ايتامكدر. اون درديجهي رجال ركوعده قوللرينى طوغرى طوتوب قولتقلاينى آچق سنندر. نسا قولتقلاينى كندويه صيقه طوتار اون بشجهي رجال ركوعده باشنى طوغرى طومتق سنندر، نسا اكريجه ايدر. اون التجهي رجال سجدهده قارنى اويقلاريندن چككم سنندر. نسا ياشديرر. اون يديجهي رجال سجدهده دير سكلرينى بردن يوقارى قالديره ق سنندر. نسا يره بسط ايدر، اون سكرنجي رجال سجدهده اللرينك جمله برمقلاينى بزبرينه ياشديروب يعنى آزالري آچيق اوليوب آچق باش برمقلاينى آچق سنندر نسا برمقلاينى ياشديرر. اون طقوزنجي رجال سجدهده اللرينك باش برمقلاينى قولاغى يوشاغى برابرينه قومق سنندر. نسا اوموزلرينه برابر قور. يكر منجي رجال قعدده صاغ آياغنى ديكوب صول آياغى اوزرينه او طورده ق سنندر. نسا صول جانبه اوتوروب ايكي آياقلرين صاغ جانبدن چيقارر يكر مى بلنجي رجال قعدده اللري برمقلاينى برمقدار آچهرق ديزلرينه برابر طومتق سنندر. نسا جمله برمقلاينى آچيق اوليه رق اللرينى

اولیقلرینه قور یکر می ایکنجی شروطنی جمع اولدقده جمعه نمازی قیلق رجاله فرض ویرام نمازلرین قیلق واجیدر. نسیایه دکل قیلسه جائزدر. یکر می اوچنجی رجال اوقات خمسینی جماعتله قیلق سنت مؤکدهدر. نسیایه دکل یکر می دردنجی رجال نسیایه امام اولور. نسا ارلره امام اوله ماز مکر سجده تلاوت ایچون اوله لکن تکبیری اخفا ایله در یکر می بشنجی نسا نسیایه امام اولق لازم دکلدر ایتمسدر اذان واقامتسز اوله رق اماملری ایلرویه کجیوب بلکه اوک صفده جماعتله محاذی صورتده طورملیدر فقط جوازی مع الکر اههدر. ارلرک اماملری ایلروده طورر. یکر می التجهی رجالدن امام تکبیرلری جهر ایله ایتمک سنندر نسادن امام اخفا ایدر لکن صلوة جهریده قرائتی رفع صوت ایتمه رک جهر ایدر زیرا امامه جهر واجیدر. فقط بوجهر دخی امامتلری مثللو مع الکر اههدر. یکر می یدنجی رجال منفرداً نماز قیلارکن ارلر کلوب اویسه نمازلری درست اولور. نسا اویسه درست دکلدر زیرا امامک نسیایه امامته نیتی لازمدر یکر می سکرنجی رجال نمازی قیلارکن عورتلری کندویه یابشسه نماز بوزلماز نسا قیلارکن ارلر قصد ایله یابشسه بوزیلور.

اورجک فرضلری

اوچدر برنجیسی نیت ایتمک، ایکنجیسی نیتک اول و آخر وقتنی بیلمک، اوچنجیسی صباحدن اخشامه قدر اوروجی بوزان شیلردن صاقتمقدر رمضان شریف وناقله اوروجلرینک نیتک اول وقتی افطار زمانی آخر وقتی ایرتسی کونک قبا قوشلق

زمانه قدر. اما قضا و کفارت ونذر اورجلرینه نیت اخشامدن فجر صادق ظهورینه قدردر.

حجک فرضلری

اوچدر. اولکیسی نیت واحرام، ایکنجیسی عرفاتده وقفهیه طورمق، اوچنجیسی عرفاتدن صکره زیارت طوافی ایتمکدر.

زکوتک فرضی

بردر. غنی اولان هر سنه مائی حساب ایدوب قرقده برنجی آیردقدن صکره نیت ایدرک برویا برقاچ فقیره ویرمکدر.

نمازک واجبلری

فرض اولان نمازلرک ایکی اولکی رکعتده وسنت وواجب اولان نمازلرک هر رکعتده فاتحه شریفه او قومق وایکی اولکی رکعتلرده فاتحهیی تکرار ایتمیوب برکره او قومق و فاتحهیی سوره اوزرینه تقدیم ایتمک و فرضلرک ایکی رکعتده وسنت وواجبلرک هر بر رکعتده فاتحه دنصکره قرآن کریمدن برقیصه سوره ویا اوزونجیه ویا اوچ قیصه آیت شریفه او قومق ودرت رکعتلی فرضلرک اولکی ایکی رکعتنی فرض اولان قرائته تمین ایتمک وجمعه ویرام و اخشام و یاتسو و صباح و تراویح نمازلرنده امام آشکاره او قومق، اوله وایکندی نمازلرنده کیزلی او قومق رکوع و سجوده و رکوعدن قیامه و سجده اولیدن جلسیه قالدقده سبحان الله دیه جک قدر اکلنمک سجده تین بیننده ترتیب یعنی ایکی سجدهیی بر برینک آردنجه ایتمک امام قیام و رکوع و سجود بیننده ترتیب فرضدر و قعدده اولیده

تشهد مقداری اوطورمق ویرام نمازلرنده هر رکعتده اوچر
 کرم تکبیر زواندی آلمق و خاتونلر جهر ایله او قوه یوب دایما
 کیزلی اوقومق و قعدله رده تحیات اوقومق فرضک تاخیری
 وواجبک ترک و تاخیری ایچون سجده سهو ایتمک و سجده آتی
 اوقودقدن صکره اوج آیت اوقورسه سجده تلاوت ایتمک نمازدن
 کندی اختیار ایله چیقمق و سلام ایله چیقمق صلوة وترده قنوت
 ایچون تکبیر ایتمک و قنوت دعاسی اوقومقدردر . قنوت دعاسی
 بو کتابک ذیلنده یازیله جقدر .

نمازک سنتلری

افتتاح تکبیرنده اللربنی قالدیرمق اولکی رکعتده تکبیر افتتاحدن
 صکره « سبحانک » اوقومق اعوذ و بسمله اوقومق و بونلری
 کیزلی اوقومق و هر رکعتده فاتحه اولنده بسمله اوقومق قیامده
 صاغ الی صول ال اوزرینه قویوب کویکی آلتنه و عورت ایسه
 کوکسنه قویمق فاتحه دن صکره یواشجه « آمین » دیمک .

بر فرضدن دیگر فرضه انتقال ایدرکن الله اکبر دیمک
 رکوعده اللربنی دیزلرینه قویمق پره قملرینی آچوب باشیله آرقه سنی
 دوز ایتمک رکوعدن قالقار ایکن امام ایسه « سمح الله لمن حمد »
 و امامه اویدی ایسه « ربناک الحمد » دیمک یالکیز قیلارسه بونلری
 جمع ایتمک رکوعده اوج کره « سبحان ربی العظیم » دیمک و سجده ده
 اوج کره « سبحان ربی الاعلی » دیمک سجده آلتنی و بورتنی برابرجه
 یره دکدیرمک و الینک پره قملرینی بربرینه دکدیرمک ارایسه قارتنی
 اولقملرینه یا پشدیروب قوللرینی یره دوشه مک ارلر ایچون
 تحیاتده صول آیغی اوزرینه اوتوروب صاغ آیغی دیکمک

و پره قملرینی قبله یه باقدیرمق عورتلر ایکی آیغی صاغ جانبندن
 چیقاروب صول جانبی اوزرینه اوطورمق ، آخر تحیاتده صلوة
 اوقومق و ادعیة مأثوره دن بردعا اوقومق و فرضلرک صولک ایکی
 رکعتده فاتحه اوقومق ، امام تکبیرلری و تسمیحی و سلامی جهر
 ایله اوقومق ؛ اول صاغنه صوکره صلونه سلام ویرمکدر .

نمازک مستحبلری

مؤذن اقامت ایدرکن « حی علی الصلوة » دیدکده آیاغنه قالمق
 افتتاح تکبیرنده اللربنی قولاغی یومشاغنه دکدیرمک و خاتونلر
 اوموز باشلرینه قالدیرمق ، قیامده صاغ الی صول الی اوزرینه
 قویوب ارلر باش پارمغیله کوچک پارمغنی مفصل اوزرینه حلقه
 ایدوب اوج پارمغنی بیله کی اوزرینه دوشه یوب بیله کنی طومتق
 و سجده یرینه باقمق ، رکوعده آیاغنه باقمق و سجده ده بورنه باقمق
 سجده ایدرکن اول دیزلرینی بعده الی یره قویمق و قعدله ده
 قوجاغنه باقمق کبی شیلردر .

نمازده ایشلنمسی مکروه اولان شیلردر

نمازده صاغنه وصولنه یوننی اکوب باقمق ؛ و یوزینی قبله دن
 چویرمک ، و اکابره وارمدیغی لباس ایله قیلیق ؛ برشی ایله
 اوینساق ، سجده یرندن طاش کیدریمک ، پارمغنی چیتلاقمق ،
 الی بوکرینه قویمق ، حائلسز آدمک یوزینه قارشى قیلیق ،
 عذر سز بغدادش قورمق ؛ اسنه مک ، اگر دفعنه قادر دکل ایسه
 ایله اغزینی قیامق ، کرنمک و بغیر ضرورة اوکسورمک
 و بوغاز ایشلاق و حائلسز قبره قارشى قیلیق آتسه قارشى

قیلق ، اما مومه و قندیله قارشى مکروه دکلدر ، اوکنده ویا
 خداسنده ویا باشى تپهسنده یعنی سقفته ویا سجد ، ایتدیکی برده
 و صاغ وصول طرفلرنده یاخود البسهسنده هر نوع کیوان ویا
 صلیب رستلری اولق مکروهدر اما آیاق آلتنده ویا آرقهسنده
 ویا اوتوردینی محله اولسه ویا بدننده ویا خاتمنده یاخود کیسهسنده
 اولوب کورنسه ویا غایت کوچک اولوب اعضاسی بللو اولسه
 ویاخود باشى کسک ویا محو اولمش اولسه باس بوقدر . قوللرینی
 قفتان قولتوغندن چیقارمق ، ایکی اوکجهسی اوزرنده اوتورمق ،
 کوزینی یومق ، تهاون و تکاسلدن ناشی باش آچیق قیلیق ، سجده
 و تحیانه الی و آیاغی بر مقلرینی قبله دن اتمک ، اوکنده آچیق
 پر وار ایکن صف آردنده یالکز قیلیق ، و آیاق بولی تقاضاسی
 وار ایکن قیلیق ، سجده ده بر آیاغی قالدیرمق ، امامدن اول
 رکوعه ایتمک یا رکوعدن باشى قالدیرمق ، امامدن اول سجده
 ایتمک ، سجده دن باشى قالدیرمق ، و سجده ده آلتنی یره قومیوب
 صارینی اوزرینه سجده ایتمک ، سجده یه اینرکن اللرینی دیزلرندن
 اول یره قویمق ، و قالقدقه دیزلرینی اول قالدیرمق و رکوع
 و سجود تسبیحلرینی اوچدن نقصان ایتمک ، عذر سز یره ویا
 دیواره طینه زق قالمق ، هربری آیری قبلارکن عورت ایله
 دورمق ، اوکندن آدم کچمک احتمالی اولورسه ستره یی ترک ایتمک ،
 ستره بر ذراع مقداری ویا یارمق قالینلغنده اوله ، نمازده عذر سز
 آلتندن طوپراق و تر سیلک ، قصداً بر سوره ویا بر آیت آتلامق
 ایکنجی رکعتده اولکی رکعتده او قودینغک یوقاریسندن او قومق
 وایکنجیسنده اولکی رکعتده او قودینغدن اوچ آیت زیاده اولق

امام آردنده قرآن او قومق ، کاه صاغنه وکاه صولنه اکلمک
 ایاق اوزرنده عذر سز عصایه ویا دیواره طیانق ، قوللری
 ویا قلری صیغالی قیلیق ، آیت و تسبیحلری یارمقیله صایمق ، اعوذ
 و بسمله و ثنا و آمینی جهر ایله دیمک ، بر آیاق اوزرینه طورمق ،
 بر نسنه قوقله مق و او فورمک و تو کورمک کبی شیلردخی مکروهدر .
 نمازی افساد ایدن شیلر

سوز یعنی ایکی حرف تلفظ ایتمک ، کرک قصداً و کرک
 سهواً سوینمک ، کندی ایشیدمه جک قدر کولمک واکر غیرى
 ایشیدمه جک قدر کولرسه آبدستی دخی بوزیلوب مصیبت
 وافریدنطولای آه واین ایتمک . و صوت ایله اغلامق اکر
 ذکر اخرت ایچون اولورسه فاسد اولماز ، اوچ کره ساقز
 چینه مک ، بررکنده اوچ کره صقال و باش طرامق ، بررکنده اوچکره
 قیل قوپارمق ، بررکنده هر برنده النی قالدیرمغله بریری اوچ کره
 قاشیق بررکنده دفعه و قبله دن دویمیه رک ایکی صف قدر یوریمک ،
 « اکر دوزسه یوریسون یوریمسون فاسددر » معنی بوزیله جق
 قدر قرآنی یا کلمش او قومق ، و امام اوکنه کچمک ، یوزینی
 وکوکسینی بردن قبله دن چویرمک ، امامنک غیریه قح ایتمک .
 قصداً سلام ویرمک ، سهواً ویرسه سجده سهو لازمدر ، امامه
 اویدقده عورتک یاننده ویا آردنده طورمق ، ویمک وایچمک کبی
 احوال صلواتی افساد ایدر .

غسلک فرضلری

اوچدر . برنجیسی مضمضه یعنی آغزیننه صسو ویرمک .

ایکنجیسی استنشاق یعنی بورنه سوویرمک اوچجیسی جمیع بدتی ییقامقدر سنترلی دخی عادت اوزره آبدست آلق نیت ایتک نجاستی تطهیر ایتک بدنی اوچ کره ییقامق کبی شیلردن عبارتدر غسلی اقتضا ایتدیرن شیلر دخی اوپور ایکن احتلام صورتیله وایانق ایکن شهوتله منی چیتمق وایوقودن قالدقدمه دوشکنده ویا طون ویاخود سائر لباسنده منی بولاشینی بولمق و عورت ایسه حیض ونفاسدن کسلیک کبی احوالدر صو بولغاز ایسه پاک طور اقله تیمم ایدیلور .

آبدست

معلوم اوله که آبدست اوچ نوعدر بری فرض بری واجب بری سنندر . فرض اولان آبدست مطلقا نماز ایچون اولان آبدستدر کعبه مکرمهیه طواف ایتک و مسجد کبرمک ایچون انسان آبدست واجبدر آبدستی وار ایکن نماز قیلش ایسه اوستنه آبدست المق سنندر .

آبدستک فرضلری

درتدر بر کره یوزینی ییقامق بر کره دیرسکلریله برابر قوللرینی ییقامق بر کره باشنک درت بلوکنده بر بلوکنی مسح ایتک بر کره ایقلرینی طپوقلریله برابر ییقامقدر آبدست النورکن او قونه جق دعا بوکتابک نهایتده یازیله جقدر .

سنترلی

اولا اللرینی بیلکلرینه قدر اوچ کره ییقامق وابدسته باشلازکن « بسم الله العظيم والحمد لله على دين الاسلام » دیک

ومسواک قوللامق « خاتونلر مسواک مقامنه ساقز استعمال ایدر » واغزبنه بورنه اوچر کره صو ویرمک یوزینی بیقارکن ابدسته نیت ایتک ، بیق و قاشلرک الته صوی ایصال ایتک و صقالنی مسح ایتک ، وخلاللامق وبتون باشنه مسح ایتک ، هر بیقادینی اعضایی اوچر کره ییقامق و فرضلرک اراسنی کسمیوب اولاشدیرمق ، قولاغنه باشدن آرتان صو ایله مسح ایتک ، اگر باشنه کیدیکی شیئی ایله طوطمدیسه ، و اگر طوطمدیسه آیری صو آلق لازمدر ، ترتیبه رطایت ایتک ال و آیق برمقلرینی خلاللامق ،

مکروهلری

صاغ ایله سو مکورمک ، اوچدن زیاده واکسیک ییقامق کونشده ایصغش صو ایله آبدست آلق ، صوی یوزینه قاتی اورمق در .

آبدستی بوزان شیلر

اوکدن و آرددن نجاست ویل چیتمق بدنندن قان و ایرین و صاری صو آلق ، اغز طولوسی قوصحق ، اویومق ، سرخوش اولمق ، نمازده بشقه سی ایشیده جک قدر کولمک ، چبلاق خاتونیه اویناشیق ، کبی شیلردر .

تیممک فرضلری

اوچدرکه ایکی ضرب بریتدر . اولانیت ایدوب ایکی اللرینی پاک طور اقله اوروب یوزینه قاپلایه رق مسح ایتدکن صکره بردها اللرانی اوروب پشین صاغ قولنه صکره ده صول قولنه بوره بوره مسح ایتکدر . تیمم هج ویا تمیز صوبولغامق ، ویا صویک یانه

واريله مامق ، وصوقیوسی بولندیغی حالده صوچیقاره جق قوغه
وسائر نسنه بولنه مامق ویاخود صوقوللانغه آدمک خسته لغی
مانع اولمق کبی احوالده بوقاریده بیان اولنان اصول اوزره پاک
طوپراقله طهارت ایتمکدر .

جمعه نمازی

فرض عیندر اما وجوبنک شرطری سائر نمازلرک وجوبنک
شرطلری اولان اسلام و عقل و بلوغ و حیض و نفاسدن طهارتدن
بشقه آلتیدر برنجیسی مقیم اولمق یعنی مسافر اولماق ، ایکنجیسی
ارکک اولمق عورت و خنی اولماق ، اوچنجیسی حر اولمق یعنی
کیسه نك قول و کوله سی کبی عملوکی اولماق ، دردنجیسی صحت
یعنی خسته اولماق ، بشنجیسی آياقلى صاغلام اولمق یعنی کوتوروم
اولماق ، التنجیسی ایکی کوزدن اعمی اولماق ، اما ششید
یغمور و چامور و فورتنه و یا ضرری ملحوظ اولان برششید
قورقو و بونلر مثللو نمازه سعه مانع عذرلر جمعه به مخصوص
مواعدن اولیوب مطلقا جماعتک مواعدندر .

برده سائر نمازلرک اداسنک شرطلرندن بشقه جمعه نمازی
ایچون شرائط اداواردرکه آلتیدر . برنجیسی نماز قلنه جق مملکت
بر شهر اولمق . ایکنجیسی پادشاه زمان و یاخود طرفندن جمعه نمازنی
اقامته مآذون خطیب بولمق ، اوچنجیسی جماعتدرکه امامدن غیرى
لااقل اوج ارکک حاضر اولمق ، دردنجیسی خطبه اوقومق ، بشنجیسی
ادا اولندیغی محله دخوله وادای صلاته اذن عام اولوب کسه
دخولدن منع اولنماق ، التنجی اوکله نمازینک وقتنده قلتمکدر ،
جمعه نمازنده ظهر اخیریتنه قلنان درت رکعت اصل جمعه نمازی

اولان ایکی رکعتک احتیاطی اولوب جمعه دن اول درت رکعت سنت
مؤکده ، جمعه دن صکره درت صوکه سنت مؤکده قلنور ، ایکی
رکعت دخی سنت وقت نیتیه آخر ظهر نمازندن صکره قلنور .

بیرام نمازلی

واجبدر رمضان و قربان بیراملرینک ایلك کونلرنده صباح
نمازندن صکره زوالدن اول اولان وقت معینده جماعتله ایکیشر رکعت
اوله رق قلنور خطبدن ماعدا شرائط ادا و وجوبی جمعه نمازینک
عینیدر بیرام نمازینک اداسندن صکره خطبه اوقومق سنتدر
بیرام نمازلی ایلك کونلرنده بر مانع سببیه قیلنه ماز ایسه رمضان
بیرامی نمازینی ایکنجی کونه قربان بیرامی نمازینی اوچنجی کونه
تاخیر جائزدر . آند نصکره قیلتماز ، هر حالده بعد الزوال جائز دکلدر .

بیرام نمازلرنده اذان و اقامت اقتضای تیموب بیرام نمازی نیتیه
امام فرض اولان افتتاح تکبیرینی آور و جماعتده امامه اویار
سبحانک دن صکره اوج دفعه تکبیر آلق واجب و اولکی رکعتده
رکوع تکبیر سنتدر ، ایکنجی رکعتده ضم سوره دن صکره اوج
تکبیر و رکوعه اینرکن ینه تکبیر آلق واجبدر .

جنازه نمازی

فرض کفایه اولوب ار و یا عورت و اوغلان و قیز اولدیغی
فرق و تصریح ایدرک « حق رضا سچون نمازه شومیت ایچون
دطایه اویدم امامه » دیونیت ایدیلور .

عذر سز قیامی ترك ایتمک درت تکبیر آلق رکنلری اولوب
افتتاح تکبیرنده اللرینی قالدیرمق ، بعده « جل ثناؤک » لفظیه

برابر سجده او قومه بعد تکبیر آوب نمازك ثقیانیدن او قونان صلواتی او قومه ینه تکبیر آوب جنازه دعاسنی و بیلیان « اللهم انا نستعینک » بی « ملحقه » قدر او قومه صوك تکبیرده ایکی طرفه سلام و یرمک سنندر . جنازه دعاسی سائر ادعیه شریفه ایله بو کتابک ذیلنده یازیله جقدر .

تراویح نمازی

ره رمضان شریف کیلرینه مخصوص اوله رق یالسو نمازینک فرضیه صوك سننی قیلندقد نصکره جماعتله قلنان نمازدر . کافه سی ارو عورت حقنده سنت مؤکده اولاق اوزره یکر می رکعت قیلنور .

حیض

قادینلرک معلوم اولان عادتلرینه دینورکه اولوقت قان کلیر حیضک اقل مدتی اوج اکثری اون کوندر . اگر اوج کون اوج کیچهدن اول کسیلورسه استیاضه در . حکمی بورون قانی کیدر هر وقت دخولنده ابدست آوب نماز قیلنیدر . اگر اوج کونده وزیادهده کسلسه غسل لازم اولور . اون کون تمام اولنجبه کسلسون کسلسون غسل ایدوب نماز قیلنیدر . اون کون ایچنده بر ایکی کون قان کسلسه کسلدی ظنیه غسل ایدوب اوروج طوطقدن صکره مدت ایچنده تکرار قان کسلسه اوروجی قضا ایتمک اقتضا ایدر . کسلدکده ینه غسل ایدنلیدر . اون کوندن آرتق قان کورن خاتونک عادت معروفه سی واریسه اول عادتدن زیاده سی دخی استیاضه در او کونلرک دخی نمازنی قیلار اما عادت معروفه سی کچوب اون کون تمامنده کسلسه اوننی دخی حیض اولور عادتدن اول کسیلورسه فقط اوج کوندن صکره

اولسه غسل ایدوب نمازنی قلمنیدر اوروج هر حالده قضا ایدیلور ولکن مدت عادتنی تماما کچمکدکجه اریله یاتقی جاژ اولمز ،

نفاس

قادینلرک چوجق طوغردیغنده ویا قضاء دوشوردیکنده کلان قاندر . نفاسک اقل مدته حد یوقدر . نه وقت کسیلورسه غسل ایدوب نمازنی قیلقی واوروجنی طومتق لازمدر نفاسک اکثر مدتی قرق کوندر . نفاس کونلرنده کرك صاری کرك بولانق هر نه درلو قان کلیرسه صافی قان حکمنده در . نفاسک فرقی ایچنده بر ایکی کون قان کسلسه بسبتون کسیلدی صانوب غسل ایدرک اوروج طوتسه صکره مدت ایچنده ینه قان کسلسه اول اوروجی قضا ایتمک وکسلدکده تکرار غسل ایتمک لازم اولور . قان کلدیکی کونلرده رهضان ایسه ییوب ایچمامک لازم اولور نمازی آخر وقته دکین تأخیر ایدر قان کلرسه نماز قیلنور کلورسه ترک ایدیلور فقط نفاسده قرق کون تامنه قدر قان کسلدکجه هر دفعه سنده غسل ایتمک لازمدر .

اراده جزئیة

عبدك فعل و ترکدن برینی قصد ایتمسندن عبارتدر . اراده جزئیة قوللرده بر حالدرکه قدرتی مقدور جاننه صرف ایدوب آنکله مقدوری ترجیح ایدر ، دیلرسه صرف ایدر . دیلرسه ترک ایدر ، یعنی افعال عبادی خلق بیوران خلاق تعالی حضرتلریدر و قوللرده کاسبدرلور . حق تعالی عادت الهیه سی اقتضاسنجبه قوللرک افعال اختیاریه سی بر اتمه سنه ینه قوللرک اراده سی شرط عادی

قیلنددر . اشبو اراده وخلقندن صکره ظهوره کلان فعل عبدک
 مکسوبی اولمش اولور . معلوم اوله که افعال اختیاریه نیک وجوده
 گلشنه درت شی لازمدر . اولاتصوره ، ثانیاً شوق ، ثالثاً اراده جزئییه
 رابعاً تحریک اعضا تصورایله شوق باری تعالینک خلقی ایله در
 زیرا بوایکسی امور موجوده دندر ارادت و تحریک قولنددر
 لکن حرکتی و فعلی یارادن باری تعالیدر . مثلاً برعمل تصور
 ایدیشیز حق تعالیدن اولدینی کبی اگر شوق کلورسه اوده
 باری تعالی جانبدندر . شوق مقتضای اوزره اراده صرف
 ایتدی کمزده حق تعالی عقیب اراده ده اول عملی یاردر . بعش وقت
 اولورکه شوق و ارایکن اراده منزی صرف ایدمهیز ، بوکاده یاخوف
 یاخود حیا مانع اولور و یاسائر موانع بولنوب صرفدن امتناع
 ایدرز . اگر تصور اولنان عملدن نفرت و کراهت منبعث اولورسه
 اوده باری تعالیدندر اول عملی ترک ایدرز بعض وقت اولورکه
 نفرت و کراهت و ارایکن به اراده منزی صرف ایدرز ، باری تعالی
 اول عملی عقب اراده ده یاردر بواحوال بالمله قوللرک اراده
 جزئییه سنده و افعال اختیاریه سنده مختار اولدقلرنی بیان ایدر
 کور بیورز که برکسه کوتو بر محله کیتکی تصور ایدر ، کندوسنده
 شوق دخی حاصل اولور او صروده یا قورقق و یاخود اوتانغی کبی
 بر حال عارض اولغله کیتکی ترک ایدر ، یاخود قصد ایدرک کیدر
 کیتک فعلنی آنک قصد و اراده سی عقینده الله تعالی خلق ایدر .
 بناء علیه برعاصی و یا بر فاسق بو وجهله کندنی اختیاریه
 کسب ایلدیکی عصیان و فسقنی قضا و قدره اسناد ایله اعتذار
 ایتسه معذور اوله ماز .

مکلف اولان هر بر مؤمن و مؤمنه اوزرینه رسول اکرم
 ونبی محترم صلی الله تعالی علیه وسلم افندمرک نسل و نسب پاک
 سعادتلرنی بیلمک واجبدر پدر جهتندن نسب عالیسی شودر .
 ابالقاسم محمد مصطفی صلی الله تعالی علیه وسلم بن عبدالله بن
 عبدالمطلب بن هاشم بن عبدمناف بن قضی بن کلاب بن صره بن
 کعب بن لوی بن غالب بن فهر بن مالک بن نضر بن کنانه بن
 خزیمه بن مدرکه بن الیاس بن مضر بن نزار بن معد بن عدنان .
 فخر دو جهان افندمرک والده جهتندن نسب عالیسی شودر
 پیغمبر ذیشانغز صلی الله تعالی علیه وسلم افندمر حضرت ترینک
 والده محترمه لری آمنه بنت وهب بن عبدمناف بن زهره بن کلاب
 جد عالیسی ایله بوراده مجتمع اولور رسول الله افندمر نبی امی
 اولدقلری حالده جناب کبریاحبیب اکرم نه علوم اولین و آخرینی
 احسان بیورمش ایدی انس و جنی دعوتیه مبعوث بالحق اولغله
 افضل انبیا و مرسلین اولمق صفت خاصه سی ایله ممتازدر یدی
 نقر اولاد کراندن اوچی ذکر دردی اناندر استملری شودر
 سیدنا حضرت قاسم سیدنا عبدالله که طیب و طاهر لقب شریفلریله
 ملقبدر سیدنا ابراهیم سیدنا زینب سیدنا رقیه سیدنا ام کلثوم
 سیدنا حضرت فاطمة الزهراء در جمله سی سیدنا حضرت خدیجة
 الکبرادن وجوده کلشدردر یالکز ابراهیم ماریه قبطیه دن
 طوغمشدر ماریه قبطیه قوم عربدن بر طائفیه منسوب جاریه
 اولوب مصره ملکی مقوقس فخر عالم افندمره اهدا ایتشدی .
 نسل پاک رسول اکرم صلی الله تعالی علیه وسلم الک کوچک
 کریمه لری حضرت فاطمة الزهراء افندمر واسطه سیله زوج مطهر لری
 حضرت علی عالی جناب کرم الله وجهه و رضی الله عنه افندمرک صلب

پاکندن متولد حسنین احسنین افندیلر مزدن ثابتدر سادات و شرفاء کرام کثرهم الله تعالی الی یوم القیام الیوم بردوام اولوب وجود مسعودلر بله امت مرحومه محمدیه تبرک و تقدر ایدر لر .

رضاع

رضاع سود اتمک دیمکدر هنوز ایکی و یا ایکی بیچق یاشی بتور میان چوجغک قادین سودینی «ولو بر قطره اولسون» کرک اتمک و کرک آغزندن و یا بورنندن دوکمله قارنه ایصال اتمکدر . سود و یرن قادینه مرضمه و چوجغه رضیع دینلور . اما احتیقان صورتیه ایصال اتمک و قولاغه و یارهیه داملا ترق رضاع دکدر . مدت رضاع امامین عندنده ایکی سنه و امام اعظم عندنده اوتوز آی یعنی ایکی بیچق سنه در .

وقتندن اول سوددن کسبان چوجق مدت معلومه ایچنده امسه و یا آغزندن سود دوکله حکم رضاع ثابت اولور . احتیاطه رعایة فقهادن چوقلری امام اعظم قولیه افتا ایلش ایسه لرده دلیللرینک قوته بنسأ امامین قولی مر حیدر . مطلقه یعنی قوجه سندن طلاق معروف ایله مفارقت ایدن قادینه اجرت رضاع بالاتفاق ایکی سنه در .

حکم رضاع

حل نظر و حرمت مناکحه در یعنی کورمه سی حلال و نکاحی حرام اولمقدر . چونکه مرضمه یعنی سود آنا رضیعک یعنی سود امن چوجغک والده سی اولمش اولور . او قادینک اولادی آنک قرداشلری و باباسی و آناسی آنک بیوک بابا و بیوک آناسی و قرداشلری آنک دایی و تیزه سی و سود صاحبی اولان قوجه سی سنود امن چوجغک باباسی و اولادی آنک قرداشلری و باباسی و آناسی آنک

جدو جده سی و قرداشلری آنک عمو جه و خاله سی اولمش اولور . اشبور رضاع خصوصتده حرام سود حلال سود کیدر . بنسأ علیه بر قادین زنا ایدوب او زنادن حاصل اولان سود ایله بر قیز چوجخی امزرسه او قیز او زانی به و آنک اصول و فروعنه حرام اولور . بر ارکک ایله بر قیز چوجق مدت رضاعلری ایچنده بر قادیندن امسه . ولوزمانلری مختلف اولسون . بر یرینه قرداش اولور لر . قرابت نسبه و صهریه ایله حرام اولانلر رضاع ایله ده حرام اولور . آنجق آشاغیده بیان اولنه جق صورتلر مستثنادر که قرابت ایله حرام اولدینی حالده رضاع ایله حرام اولماز .

برنجی . برنجی والده نك جده سی - ۲ ولدینک قیز قرداشی ۳ ولدینک عمه سی یعنی خاله سی ۴ ارکک قرداشنک آناسی ۵ قیز قرداشنک آناسی ۶ عمو جه سنک آناسی ۷ خاله سنک آناسی ۸ دایینک آناسی ۹ تیزه سنک آناسی ۱۰ حفید و حفیده نك والده سی ۱۱ اولادک قیز قرداشنک قیزی ۱۲ اولادک عمه سی قیزی . فقط در درنجیه بشنجی و آلتنجی ایله یدنجی و سکزنجی ایله طقوزنجی بر لشکله طقوز صورته ارجاعک ده طریق واردر ذکر اولنان صورتلرک هر بری اوچر صورتی مشتمل اولور شویله که : برنجی صورته کوره «ولدینک جده سی» دیمک نسباً ولدینک رضاعاً جده سی صورتلرینه شاه لدر باقیلری دخی بویله در بو صورتده مستثنیات یکر می یدنی اولمش اولور . لدی التامل تبین ایدر که شو صورتلرده حرمت نکاحی موجب اولان جهت تعلق و قرابت بولنیور . مثلاً انسانک نسباً ولدینک جده سی کندیسنه حرام اولیور . زیرا مزبوره آنک یا والده سی یا خود زوجه سنک والده سپدر . اما سود اولادینک جده سی و یا خود نسباً اولادینک

رضاعاً جده سی کنندینه نسبة اجنبیه اولدیغندن حلال اوله جنی
شبهه سزدر سائر صورتلرده بومنوال اوزره ملاحظه اولنه
ام البنین یعنی اوغلانلر آناسی اولان قادین، ام البنات یعنی قیزلر
آناسی اولان قادینک بر قیزی و مزبوره دخی آنک براوغلی
امزیرسه سودامن اوغلان قیزلرک هیچ بریسنی آلهماز . زیرا
سود ویرن طرفک جمله سی سودامنه اقربا اولورلر . دیگر
اوغلانلر والده لرندن سودامن قیزدن ماعداسنی آلهیلورلر
زیرا سود امن کیمسه نک حرمتی یالکز فروغنه سرایت ایدر
اصولنه وقرنداشلرینه نسبة حرمت ثابت اولماز .

واکر سود طعامه قارشیدیریلوبده قاینادیلور ایسه بالاتفاق
رضاع ثابت اولماز واکر قاینادلماز ایسه امام اعظمه کوره ینه
اوله در یعنی حرمت ثابت اولماز . اما امامینه کوره اعتبار
غالبه در یعنی سود غالب ایسه حرمت ثابتدر .
ایکی قادینک سودلری قاریشیدیریلوب ویرلرکده بریسی
غالبده اولسه ایکسیله دخی رضاع ثابت اولور .

اکر قادین سودی صووقویون سودی ویا بر بشقه دوا ایله
قاریشیدیریلوب چوجغه ویرلسه اعتباری غالب اولانه در یعنی قاریشیدیر-
یلان شی سودک طعم ولدتی بوزمش ایسه رضاع ثابت اولماز
واکر بوزمدیسه ویا برینی بوزوب دیگرینی تغییر ایتدیسه رضاع ثابت
اولور واکر ایکسی دخی مساوی اولورسه احتیاطاً رضاع ثابتدر .

آبدست دعاسی

اللهم ینقارکن بودعایی اوقویه الحمد لله الذی جعلی

الماء طهوراً وجعل الاسلام نوراً

آغزینی ینقارکن بودعایی اوقویه

اللهم اسقنی من حوض ینک کاساً لا اظمأ بعده ابداً

بورنی ینقارکن بودعایی اوقویه

اللهم ارحنی رایحة الجنة وارزقنی من نعمها ولا تؤخنی
رایحة النار .

یوزینی ینقارکن بودعایی اوقویه

اللهم بیض وجهی بنورک یوم تبیض وجوه اولیائک ولا
تسود وجهی بدئوبی یوم تسود وجوه اعدائک .

صاغ قولنی ینقارکن بودعایی اوقویه

اللهم اعطنی کتابی بیبی وخصبنی حساباً یسیراً

صول قولنی ینقارکن بودعایی اوقویه

اللهم لا تعطنی کتابی بشمالی ولا من وراء ظهری ولا تحاسبنی
حساباً شدیداً .

باشنه مسح ایدرکن بودعایی اوقویه

اللهم اظلمانی تحت ظل عرشک یوم لا ظل الاظلمک .

قولاغنه مسح ایدرکن بودعایی اوقویه

اللهم اجعلنی من الذین ینسمعون القول فیتبعون احسنه .

بوينونه مسیح ایدرکن بودعایی اوقویه

اللَّهُمَّ اعْتِقْ رَقَبَتِي مِنَ النَّارِ وَأَحْفَظْنِي مِنَ السَّلَاسِلِ وَالْإِغْلَالِ

صاغ آياغنی بیقارکن بودعایی اوقویه

اللَّهُمَّ بِنْتِ قَدَمِي عَلَى الصَّرَاطِ يَوْمَ تَدُورُ فِيهِ الْأَقْدَامُ.

صول آياغنی بیقارکن بودعایی اوقویه

اللَّهُمَّ اجْعَلْ لِي سَعِيًّا مَشْكُورًا وَذَنْبًا مَغْفُورًا وَعَمَلًا مَقْبُولًا
وَتِجَارَةً لَنْ تَبُورَ .

آبدست تمام اولدینی وقتده بودعایی اوقویه

اللَّهُمَّ اجْعَلْنِي مِنَ التَّوَابِينَ وَاجْعَلْنِي مِنَ الْمُتَطَهِّرِينَ وَاجْعَلْنِي
مِنْ عِبَادِكَ الصَّالِحِينَ وَاجْعَلْنِي مِنَ الَّذِينَ لَاخَوْفٌ عَلَيْهِمْ وَلَاهُمْ
يُخْزُونَ

سُبْحَانَكَ اللَّهُمَّ وَبِحَمْدِكَ أَشْهَدُ أَنْ لَا إِلَهَ إِلَّا أَنْتَ وَحْدَكَ
لَا شَرِيكَ لَكَ أَشْتَفِرُكَ وَأَتُوبُ إِلَيْكَ وَأَرْجِعُ إِلَى طَاعَتِكَ عَنْ مَعْصِيَتِكَ
وَأَشْهَدُ أَنَّ مُحَمَّدًا عَبْدُكَ وَرَسُولُكَ .

بعده بر ویا اویچ کره « انازلنا » سورہسی اوقنور.

{ نمازده اوقونه جق دعالی بیان اولنور }

سُبْحَانَكَ اللَّهُمَّ وَبِحَمْدِكَ وَتَبَارَكَ اسْمُكَ وَتَعَالَى جَدُّكَ وَجَلَّ

تَنَازُكَ وَلَا إِلَهَ غَيْرُكَ « وَجَلَّ تَنَازُكَ » لَفْظِي يَا لَكُنْ جِنَازَهُ

نمازنده اوقنور

اللَّهُمَّ صَلِّ عَلَى مُحَمَّدٍ وَعَلَى آلِ مُحَمَّدٍ كَمَا صَلَّيْتَ عَلَى إِبْرَاهِيمَ وَعَلَى

آلِ إِبْرَاهِيمَ إِنَّكَ حَمِيدٌ مَجِيدٌ

اللَّهُمَّ بَارِكْ عَلَى مُحَمَّدٍ وَعَلَى آلِ مُحَمَّدٍ كَمَا بَارَكْتَ إِبْرَاهِيمَ وَعَلَى

آلِ إِبْرَاهِيمَ إِنَّكَ حَمِيدٌ مَجِيدٌ

الْحَمْدُ لِلَّهِ وَالصَّلَاةُ وَالطَّيِّبَاتُ السَّلَامُ عَلَيْكَ أَيُّهَا النَّبِيُّ

وَرَحْمَةُ اللَّهِ وَبَرَكَاتُهُ السَّلَامُ عَلَيْنَا وَعَلَى عِبَادِ اللَّهِ الصَّالِحِينَ أَشْهَدُ

أَنَّ لَا إِلَهَ إِلَّا اللَّهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ

قنوت دعاری

اللَّهُمَّ انا نَسْتَعِينُكَ وَنَسْتَغْفِرُكَ وَنَسْتَهْدِيكَ وَنُؤْمِنُ بِكَ نَسُوبُ
إِلَيْكَ وَتَتَوَكَّلُ عَلَيَّ وَتُنْفِي عَنِّي خَيْرَ كُلِّ شُكْرٍ وَلَا تَكْفُرُكَ
وَتُخْلَعُ وَتَتْرُكُ مِنْ يَفْجُرُكَ

اللهم اياك تمسك ولك نصلي ونسجد واليك نسئ ونحمد
نرجو رحمتك ونحمي عذابك ان عذابك بالكمفار فطقت

جنازه دعاسی صغیر وکبیر ذکور واناہ کافیدر

اللَّهُمَّ اغْفِرْ لِحَيِّنَا وَمَيِّتِنَا وَشَاهِدِنَا وَغَائِبِنَا وَصَغِيرِنَا وَكَبِيرِنَا

وَذَكَرْنَا وَإِنَّا اللَّهُمَّ مِنْ أَحْيَيْنَاكَ مِنْ قَاحِيَةِ عَلَى الْإِسْلَامِ وَمَنْ
تَوَفَّيْتَهُ مِنْ قَتَوْنَا عَلَى الْإِيمَانِ وَحُصَّ هَذَا الْمَيْتَ بِالرُّوحِ وَالرَّاحَةِ
وَالْغَفْرَةِ وَالرِّضْوَانِ اللَّهُمَّ إِنْ كَانَ مُحْسَبًا فَزِدْ فِي إِحْسَانِهِ وَإِنْ كَانَ
مُسِيئًا فَتَجَاوَزْ عَنْهُ وَكَلِّهِ الْأَمْنَ وَالْبُشْرَى وَالْكَرَامَةَ وَالزُّلْفَى بِرَحْمَتِكَ
يَا أَرْحَمَ الرَّاحِمِينَ

قَادِينَ أُولُورْسَهُ «اللَّهُمَّ إِنْ كَانَ» دَنْ آشَاغِي أُولَانَ

ضَمِيرِلِرْ مُؤْنْتِ أَوْقُونِهْ جَقْدِرْ

Boş
K. D. Arman

